



UNIVERSITÄTS-
BIBLIOTHEK
PADERBORN

**Cæremoniale FF. Minorum Strictioris Observantiæ Almæ
Provinciæ Saxonix S. Crucis**

Sächsische Franziskanerprovinz vom Heiligen Kreuz

Nevhsii, 1706

VD18 10502327

Titulus II. De variis Benedictionibus.

[urn:nbn:de:hbz:466:1-71672](https://nbn-resolving.org/urn:nbn:de:hbz:466:1-71672)

7. Si Episcopus adsit, Sacerdos antequam se aut Ministros aspergat, illi aspersorium, illud prævie osculando, reverenter porrigat, tum ut se, tum ut Celebrantem aspergat: si recuset, sed velit à Celebrante aspergi, id cum profunda reverentia modeste fiat. Si adsint personæ excellentes v. g. Comites aut Prælati Cathedralium Ecclesiarum, & ipsis aspersorium, antequam aspergatur Prælatus Ordinis nostri reverenter præsentari poterit: attendenda autem locorum consuetudo, ne vel per excessum vel defectum peccetur.

8. Dicta oratione EXAUDI NOS DOMINE, & facta altari genuflexione ad Sacristiam revertuntur, ubi Sacerdos deposito pluviali, accepto manipulo, assumit calulam pro Missa, Ministris etiam suos manipulos assumentibus.

TITULUS II.

De variis Benedictionibus.

Benedictio Indumentorum Sacerdotalium.

¶. *Adjutorium nostrum in nomine Domini.*

¶. *Qui fecit cælum & terram.*

¶. *Dominus vobiscum.*

¶. *Et cum spiritu tuo.*

O R E M U S.

OMnipotens sempiterne Deus, qui per Moysen famulum tuum Pontificalia et Sacerdotalia, seu Levitica vestimenta, ad explendum in conspectu tuo ministerium eorum ad honorem et decorem nominis tui fieri decrevisti: adesto propitius invocationibus nostris; et hæc indumenta Sacerdotalia, desuper irrigante gratiâ tuâ ingenti benedictione per nostræ humili-

humilitatis servitium puri ✠ficare, bene ✠dicere et con ✠secrare digneris : ut divinis cultibus et sacris Misteriis apta et benedicta existant : his quoque sacris Vestibus, Pontifices et Sacerdotes, seu Levitæ tui induti, ab omnibus impulsionebus seu tentationibus malignorum spirituum muniti et defensi esse mereantur : tuisque Misteriis aptè et condignè servire et inherere, atque in his tibi placitè et devotè perseverare tribue. Per Christum Dominum nostrum. R. Amen.

O R E M U S.

Deus invicta virtutis triumphator, et omnium rerum creator ac sanctificator, intende propitius preces nostras, et hæc Indumenta Leviticæ, Sacerdotalis et Pontificalis gloriæ Ministris tuis fruenda, tuo ore proprio bene ✠dicere, sancti ✠ficare et consecrare digneris, omnesque eis utentes, tuis Misteriis aptos, et tibi in eis devotè ac laudabiliter servientes, gratos efficere digneris. Per Dominum nostrum, etc.

O R E M U S.

Domine Deus omnipotens, qui Vestimenta Pontificibus, Sacerdotibus et Levitis in usum Tabernaculi Fœderis necessaria, Moysen famulum tuum facere jussisti; eumque Spiritu sapientiæ ad id peragendum replevisti; hæc Vestimenta in usum et cultum Misterii tui bene ✠dicere, sancti ✠ficare et conse ✠crare digneris : atque Ministros altaris tui, qui ea induerint, septiformis Spiritus gratiâ dignanter repleti, atque castitatis stolâ beatâ facias cum bonorum fructu operum Ministerii congruentis immortalitate vestiri. Per Christum Dominum nostrum. R. Amen. Po-

Postea aspergantur aqua benedicta. Sacerdos potestatem habens indumenta sacerdotalia benedicendi, uti poterit tribus supra positis orationibus in benedictione plurium simul indumentorum, quando ipsi non vacat ad quaelibet quamlibet particularem adhibere benedictionem, ut sequitur.

Benedictio Amictus.

¶. *Adjutorium nostrum, &c.* ut supra.

O R E M U S.

Immens pietatis et plenitudinis gratiarum infusor Deus; qui per os Prophetæ tui dixisti: *expande amictum tuum super te, et operi ignominiam tuam, plenitudinem gratiæ tuæ et Bene* ✠ *dictionis tuæ super hunc Amictum quæsumus propitiatus extende; ut omnes, qui eo usifuerint, perfectam quam designat amictus castigationem vocis et gula sentiant, fiantque perfecta virtute decori, ut ex amictibus ipsis reddantur tibi Deo omnipotenti moribus et gratiâ speciosi. Qui vivis et regnas, etc.*

Aspergatur aqua benedicta.

Benedictio Albæ.

¶. *Adjutorium nostrum, &c.* ut supra.

O R E M U S.

Domine Deus omnipotens, qui Aaron et Filios eius tunicis lineis in decorem et gloriam Sacerdotii indui præcepisti, cum quibus ipsi sanctificati, tibi etiam in Sanctuario ministrarent, hanc quæsumus lineam tunicam tuæ virtutis san-

Elificatione bene ✠ dicere et sancti ✠ ficare digneris : quatenus omnes, qui eâ induti in sancto ministerio tuo usi fuerint, digni fiant altaris tui *Ministri*, ipsosque septiformis gratiâ Spiritus sancti repletos, et castitatis zonâ præcinctos facias cum *Ministris Angelicis immortalitatis fruitione vestiri. Per Christum Dominum nostrum. R. Amen.*

Posteâ aspergatur aquâ benedictâ.

Benedictio Cinguli.

ÿ. *Adjutorium nostrum, &c. ut supra.*

O R E M U S.

Deus innocentie restitutor et puritatis amator, qui utriusque Testamenti Patres lumbos suos præcingere instruxisti : quo videlicet carnalem lumborum luxuriam discerent sobrietate continentie coarctare, sancti ✠ fica et bene ✠ dic, quæsumus Domine, cingulum istud, ut omnes, qui eo cincti fuerint, et ab aestu voluptatum carnalium refrigerium sentiant, et Spiritus sancti rore perfusi, quæ tua sunt mundo corde et casto corpore desiderent et sectentur. *Per Dominum nostrum, etc.*

Posteâ aspergatur aquâ benedictâ.

Benedictio Manipuli.

ÿ. *Adjutorium nostrum, &c. ut supra.*

O R E M U S.

Deus qui de fructu operum tuorum terram satias et secundum opera sua retribuis, et iudicas unumquemque ✠ Manipulum istum, per quem fructus bonorum operum designantur,

nantur, tuæ bene + dictionis dono sancti + fica, quatenus Mini-
 stri altaris tui, ipso utentes Manipulo, per bonorum operum
 fructum digna se gaudeant assequi præmia meritorum. Per
 Christum Dominum nostrum. R. Amen.

Aspergatur aquâ benedictâ.

Benedictio Stolæ.

ÿ. *Adjutorium nostrum, &c.* ut supra.

O R E M U S.

Ineffabilis benignitatis et clementiæ Deus, cuius jugum sua-
 ve, onusque leve esse tu ipse perhibes, quique per os Sapientis
 collum nos subicere jugo tuæ sapientiæ docuisti; bene + dic,
 quæsumus, et sancti + fica Stolam istam, jugum mansuetudinis
 præsignantem, ut Sacerdotes et Levitæ tui, qui eidem stolæ hu-
 meros et colla submiserint, suavitatis tuæ sentiant lenitatem,
 quatenus inter illam magnâ et innumerabilem turbam, quam
 B. Joannes vidit in conspectu Agni stolis albis amictam, stolas
 suas lavare in ipsius Agni sanguine mereantur; ac tamquam
 formosi in stola sua, et in multitudine suæ fortitudinis gradien-
 tes, stolâ induantur gloriæ aternaliter cum electis. Per Chri-
 stum Dominum nostrum. R. Amen.

Aspergatur aquâ benedictâ.

Benedictio Planetæ seu Casulæ.

ÿ. *Adjutorium nostrum, &c.* ut supra.

O R E M U S.

Deus fons bonitatis et justitiæ, qui tui operis Ministros ad
 extremum vestimento casulæ, cuius munimine interius

omnia te gerentur, vestiri sanxisti, benedice quæsumus et sanctifica casulam istam, et concede petitionibus nostris, ut omnes hanc casulam induti, enumeratis intus omnium virtutum ornamentis, vinculum perfectæ charitatis super omnia habeant, quo desiderare, et quo proficere, te prestante valeant. Per Christum Dominum nostrum. R. Amen.

Aspergatur aquâ benedictâ.

Benedictio Strictæ seu Tunicellæ.

ÿ. Adjutorium nostrum, &c. ut supra.

O R E M U S

OMnipotens sempiterne Deus, qui Moysi famulo tuo Levitica indumenta, quæ ad cultum Sanctuarii pertinent, facere præcepisti, benedice quæsumus, hanc Strictam seu Tunicellam, ut Subdiaconatus ministerii, quibus famuli tui decenter sunt ornati, et virtutum percipiant incrementa, et vitiorum monstra devitantes, ad te, qui via, veritas es, et vita, gratiosi valeant pervenire. Per Christum Dominum nostrum. R. Amen.

Aspergatur aquâ benedictâ.

Benedictio Dalmaticæ.

ÿ. Adjutorium nostrum, &c. ut supra.

O R E M U S.

DEus omnipotens bonarum virtutum dator et omnium benedictionum largus infusor, supplices te rogamus ac petimus, ut mentibus nostris opem tuam benedictionis infundas, et hanc

et hanc Dalmaticam digno cultui tuo preparatam, virtute sancti Spiritus bene + dicere, sancti + ficare et conse + crare digneris; et omnibus eam portantibus gratiam sanctificationis sacri Mysterii tui benignè concede, ut in conspectu tuo sancti et immaculati, atque irreprehensibiles appareant, et auxilium tuæ misericordiæ acquirant. Per Christum Dominum nostrum.
R. Amen.

Aspergatur aquâ benedictâ.

Benedictio Pluvialis.

ÿ. *Adjutorium nostrum, &c.* ut supra.

O R E M U S.

Domine Deus, Pater omnipotens, Rex ac magnificus Triumphator, qui per sanctos Patres nostros, qui tibi in Sacerdotali ordine placuerunt, diversi generis Ornamenta, et vestimenta Sacerdotalia fieri, et in his ornari Sacerdotes tibi servientes voluisti; exaudi propitiis Orationem nostram, et hanc Cappam seu Pluviale, dexterâ tuâ sanctâ bene + dicere, sancti + ficare et conse + crare digneris, quatenus hoc Vestimentum Ministris et Levitis, Sacerdotibus ac Pontificibus tuis, ad Divinum cultum ornandum atque explendum proficiat, sanctisq; altaribus mundi et ornati in hac Veste ministraturi irreprehensibiles in actu et dicto, interiùs exteriùsque appareant, et tibi soli Deo, puro corde et mundo corpore, omnibus diebus vitæ suæ irreprehensibiliter sanctorum Patrum exempla sequentes servare valeant, iisque sacris Mysteriis secundum tuam

Kk

volun-

voluntatem quando tibi placuerit expletis, cœlestis regni Gloriam, cum omnibus nobis sibi que commissis percipere mereantur. Per Christum Dominum nostrum. R. Amen.

Aspergatur aquâ benedictâ.

Benedictio Mapparum seu Linteaminum
sacri Altaris.

ÿ. *Adjutorium nostrum, &c. ut supra.*

O R E M U S.

EXaudi Domine preces nostras, et hæc sancta Linteamina sacri Altaris usui preparata bene † dicere et sancti † ficare digneris. Per Christum Dominum nostrum. R. Amen.

O R E M U S.

Domine Deus omnipotens, qui Moysen famulum tuum Ornamenta et Linteamina facere per quadraginta dies docuisti, quæ etiam Maria texuit et fecit in usum ministerii Tabernaculi Fœderis: bene † dicere, sancti † ficare et consecrare digneris hæc Linteamina ad tegendum involvendumque Altare gloriosissimi Filii tui Domini nostri IESU Christi: Qui tecum vivit et regnat, etc. R. Amen.

Aspergatur aqua benedicta.

Benedictio Corporalium & Pallarum,

ÿ. *Adjutorium nostrum, &c. ut supra.*

O R E M U S.

Clementissime Domine, cuius inenarrabilis est virtus, cuius Mystera arcanis mirabilibus celebrantur; tribue quæsumus,

sumus, ut hoc Linteamentum a propitiationis Bene \times dictione sanctificetur, ad consecrandum super illud Corpus et Sanguinem Dei et Domini nostri Iesu Christi Filii tui: Qui tecum vivit et regnat in unitate Spiritus sancti Deus, per omnia secula seculorum, R. Amen.

O R E M U S.

OMnipotens sempiternus Deus, bene \times dicere, sancti \times ficare et conse \times crare digneris Linteamentum istud ad tegendum includendumque Corpus et Sanguinem Domini nostri Iesu Christi Filii tui: Qui tecum vivit et regnat etc. Resp. Amen.

O R E M U S.

OMnipotens Deus manibus nostris opem tuam Benedictionis infunde: ut per nostram bene \times dictionem hoc linteamentum sanctificetur, et corporis ac sanguinis Redemptoris nostri novum sudarium Spiritus sancti gratia efficiatur. Per eundem Dominum, etc. Resp. Amen.

Aspergatur aqua benedicta.

Benedictio sacrorum Vasorum, & aliorum
Ornamentorum.

¶. Adjutorium nostrum, &c. ut supra.

O R E M U S.

EXaudi Domine preces nostras Pater clementissime, et haec purificanda Vasa et Ornamenta sacri altaris atque Ecclesiae tuae, sancti ministerii tui usui preparata bene \times dicere, san-

K k 2

ctificare

Et iustificare et consecrare digneris. Per Christum Dominum nostrum. Resp. Amen.

O R E M U S.

OMnipotens sempiterne Deus, à quo omnia immunda purgantur, et in quo omnia purgata clarescunt: supplices filii tui omnipotentiam tuam invocamus, ut ab his Vasis, Ornamentis et Ministeriis, quæ tibi offerunt famuli tui, omnis spiritus immundus concussus longè discedat, et per tuam benedictionem ad usum et ministerium sancti Altaris et Ecclesie tue sanctificata permaneant. Per Christum Dominum nostrum. Resp. Amen.

Postea aspergatur aqua benedicta.

Benedictio Tabernaculi seu Vasculi pro Sacrosancta Eucharistia conservanda.

ψ. *Adjutorium nostrum, &c.* ut supra.

O R E M U S.

OMnipotens sempiterne Deus Maiestatem tuam supplices deprecamur, ut Vasculum hoc pro corpore Filii tui Domini nostri Iesu Christi in eo condendo fabricatum, bene **✠**-dictionis tue gratia dicare digneris. Per eundem Dominum nostrum, &c. Resp. Amen.

Aspergatur aqua benedicta.

Benedictio Thuribuli.

ψ. *Adjutorium nostrum, &c.* ut supra.

ORE-

O R E M U S.

Deus, ad cuius sepulchrum cum aromatibus in specie animalium sanctarum virtutes sanctorum operum gestantium, diluculo mulieres venisse memorantur: et in cuius conspectu Angelus habens Thuribulum aureum stetit, et datis incensis de orationibus omnium Sanctorum ante Thronum Domini adolevisse, caelesti iussione divulgatur; adesto propitius invocationibus nostris, et hoc Thuribulum caelesti bene **✠** dictione perfunde, ut quicumque ex eo thymiamatis vel thuris fragrantiam senserint, tua donante immensa clementia odores orationum ante conspectum Maiestatis tuae per manus Sanctorum emittant Angelorum atque persolvant, Salvator mundi. Qui vivis et regnas in saecula saeculorum. Amen.

Aspergatur aqua benedicta.

Benedictio generalis ad quamcumque rem, cuius alibi benedictio specialis non habetur.

Ÿ. Adjutorium nostrum, &c. ut supra.

O R E M U S

Bene **✠** dic Domine creaturam istam N. ut sit remedium salutare generi humano, et presta per invocationem sancti Nominis tui, ut quicumque ex ea (vel eo) sumpserint vel usi fuerint, salutem animae, et corporis suscipiant sanitatem. Per Christum Dominum nostrum. R. Amen.

Aspergatur aqua benedicta.

Benedictio Annuli pro puella Virginitatis votum habente, aut jam emittente.

Kk 3

V. Ad-

ÿ. *Adjutorium nostrum, &c. ut supra.*

O R E M U S.

Creator et Conservator humani generis, dator gratiæ spiri-
tualis, et largitor humanæ salutis, tu Domine emitte be-
ne ✠ dictionem tuam super hunc annulum; ut, quæ eum ge-
staverit, cœlesti virtute munita fidem integram fidelitatemque
sinceram teneat; sicut Sponsa Christi virginitatis propositum
custodiat, et in castitate perpetua perseveret. Per Christum
Dominum nostrum. Resp. Amen.

Aspergatur aquâ benedictâ.

Benedictio Crucis pectoralis.

ÿ. *Adjutorium nostrum, &c. ut supra.*

O R E M U S.

OMnipotens Deus, qui crucis signum pretioso Filii tui
sanguine dedicasti, quique per eandem crucem Filii tui
Domini nostri Jesu Christi mundum redimere voluisti, et per
virtutem eiusdem venerabilis crucis humanum genus ab an-
tiqui hostis chyrographo liberasti; te suppliciter exoramus,
ut digneris hanc crucem paternâ pietate bene ✠ dicere, et
cœlestem ei virtutem et gratiam impertire; ut quicumque
eam in passionis et crucis Unigeniti tui signum ad tutelam cor-
poris et animæ super se gestaverit, cœlestis gratiæ plenitudinem
in ea, et munimen valeat tuæ benedictionis accipere. Quem-
admodum virgam Aaron ad rebellium perfidiam repellen-
dam benedixisti, ita et hoc signum tuâ dexterâ bene ✠ dic, et
contra

contra omnes diabolicas fraudes virtutem ei tuæ defensionis impende : ut portantibus illud animæ pariter et corporis prosperitatem conferat salutarem , et spiritualia in eis dona multiplicet. Per eundem Christum Dominum nostrum. Resp. Amen.

Aspergatur aquâ benedictâ.

Benedictio Rosarij.

✠. *Adjutorium nostrum, &c.* ut supra.

O R E M U S.

OMnipotens et misericors Deus , qui propter nos Filium tuum unigenitum Dominum nostrum Jesum Christum, de cœlis in terram descendere, et de Beatissimæ Virginis Mariæ utero Angelo nuntiante , carnem suscipere voluisti, ut nos eriperes de potestate diaboli ; obsecramus immensam clementiam tuam , ut hæc signa Psalterii in honorem et laudem eiusdem Genitricis Filii tui ab Ecclesia tua fidei dicata benedicas et sancti fices , eisque sanctam infundas virtutem Spiritus sancti, ut quicumque horum quodlibet secum portaverit, atque in domo sua reverenter habuerit , sancta abundet devotione, et ab omni hoste visibili et invisibili semper et ubique in seculo liberetur, et in exitu suo à Beatissima semper Virgine Maria tibi plenus bonis operibus presentari mereatur. Per eundem Christum Dominum nostrum. Resp. Amen.

Aspergatur aquâ benedictâ.

Bene-

Benedictio vini in festo S. Joannis Evangelistæ.

℣. *Adjutorium, &c.*

℣. *Dominus vobiscum, &c.*

† *Initium S. Evangelii secundum Joannem.*

℣. *Gloria tibi Domine.*

IN principio erat Verbum, & Verbum erat apud Deum : & Deus erat Verbum. Hoc erat in principio apud Deum. Omnia per ipsum facta sunt : & sine ipso factum est nihil, quod factum est. In ipso vita erat : & vita erat lux hominum : & lux in tenebris lucet : & tenebra eam non comprehenderunt. Fuit homo missus à Deo, cui nomen erat Ioannes. Hic venit in testimonium, ut testimonium perhiberet de lumine. Erat lux vera, qua illuminat omnem hominem venientem in hunc mundum. In mundo erat : & mundus per ipsum factus est : & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine ejus. Qui non ex sanguinibus, neque ex voluntate carnis : neque ex voluntate viri : sed ex Deo nati sunt. Et Verbum Caro factum est, & habitavit in nobis. Et vidimus gloriam ejus : gloriam quasi unigeniti à Patre, plenum gratia & veritatis.

R. *Laus tibi Christe.*

P S A L M U S.

Dominus regit me, & nihil mihi deerit : in loco pascue, ibi ^{me} collocavit.
Super aquam refectiois educavit me, animam meam convertit.

Deduxit me super semitas justitiæ : propter nomen suum.

Nam etsi ambulavero in medio umbræ mortis : non timebo mala, quoniam tu mecum es.

Virga tua & baculus tuus : ipsa me consolata sunt.

Parasti in conspectu meo mensam : adversus eos, qui tribulant me.

Impinguasti in oleo caput meum : & calix meus inebrians, quàm præclarus est.

Et misericordia tua subsequetur me : omnibus diebus vitæ meæ.

Et ut inhabitem in domo Domini, in longitudinem dierum.

Gloria Patri. & Filio, &c.

Kyrie

Kyrie eleison, Christe eleison, Kyrie eleison, Pater noster, &c.

Ps. Et ne nos inducas in tentationem, &c.

Ps. Salvos fac fideles tuos.

R. Deus meus sperantes in te.

Ps. Esto nobis Domine turris fortitudinis.

R. A facie inimici.

Ps. Gustate & videte quoniam suavis est Dominus.

R. Beatus vir, qui sperat in eo.

Ps. Et si mortiferum quid bibent.

R. Non eis nocebit.

Ps. Domine exaudi orationem meam, &c.

Ps. Dominus vobiscum, &c.

O R E M U S.

Deus, et Pater Domini nostri Iesu Christi cuius Imperio
 Cœli firmati sunt; cui omnis creatura deservit, et omnis
 potestas subiecta est, et expavescit: nos te in auxilium nostrum
 invocamus, cuius audito nomine serpens conquiescit: draco
 fugit: vipera filet: et subdola illa quæ dicitur rana inquieta
 torpescit: scorpio extinguitur: regulus vincitur: squal-
 langus nihil noxium operatur: et omnia venenata et adhuc
 fortiora animalia noxia terrentur. Tu Domine extingue om-
 nes diabolicas fraudes et omnes humano generi adversantes
 nequitias, et hunc liquorem vini per intercessionem S. Joannis
 Evangelistæ tuæ virtute benedicito, et omnes ex eo gustantes
 meritis et precibus sanctissimæ Dei Genitricis Mariæ, omnium
 Sanctorum tuorum intervenientibus, ab omni malo custodias:
 et ad Regnum gloriæ tuæ perducas. Per Dom. etc.

O R A T I O.

Deus, qui mirabili potentia vinum producis ex vite, ut inde

Ll

exhi-

laretur cor hominis : qui mirabili potentia in Chana Galilee
ad potandum : nuptiali populo aquam convertisti in vinum,
quique mirabilissimam potentiam per manus Sacerdotum elemen-
tum vini quotidie in sacratissimum tuum transformas sangui-
nem. Deus cuius potestate Joannes Evang. venenosi potus
digessit toxicum, bene ✠ dicere dignare hanc creaturam vini,
ut omnes ex eo gustantes expulso toto genere nocivo, infuso tua
bene ✠ dictionis mysterio in anima et corpore mereantur mi-
sericorditer exhilarari. Per Dominum nostrum Iesum Chri-
stum, etc.

O R E M U S.

BEati Joannis Evangeliste quæsumus Domine supplicatio-
ne placatus : et veniam nobis tribue, et remedia æterna
concede. Per Dominum nostrum, etc.

Et bene ✠ dictio Dei Pa ✠ tris Omnipotentis, et Fi ✠ lii, et
Spi ✠ ritus sancti descendat super hunc liquorem vini, et ma-
neat semper. Amen.

Benedictio Candelarum extra diem Purifica-
tionis B. M. V.

✠. Adjutorium nostrum, &c.

✠. Dominus vobiscum, &c.

O R E M U S.

Domine Iesu Christe Fili Dei vivi, bene ✠ dic candelas
istas supplicationibus nostris, et infunde eis Domine, per
virtutem sanctæ cru ✠ cis benedictionem cœlestem, qui eas ad
repellendas tenebras humano generi tribuisti : talemque be-
nedictio-

nedictionem signaculo sanctæ crucis accipiant, ut quibuscunque locis accensa, siue posita fuerint, discedant Principes tenebrarum, et contremiscant, et fugiant pavidum cum omnibus ministris suis ab habitationibus illis: nec præsumant amplius inquietare, aut molestare servientes tibi Omnipotenti Deo.

Qui vivis et regnas in secula seculorum. Resp. Amen.

Postmodum aspergantur aquâ benedictâ.

Benedictio Domorum, quocunque anni tempore faciendâ, cum aspersione aquæ benedictæ.

Parochus seu alij Sacerdotes volentes aliquam particularem domum, vel generaliter domos fidelium alio tempore intra annum aspergere aquâ benedictâ, ingredientes domum dicant: Pax huic domui, & omnibus in ea habitantibus. Deinde loca aspergendo dicant Antiphon. Asperges me Domine hyssopo, & mundabor: lavabis me, & super nivem dealbabor.

P S A L M U S.

Miserere mei Deus, secundum magnam misericordiam tuam. Gloria Patri, &c. & repetitur Antiphona: Asperges me Domine, &c.

Ÿ. Domine exaudi orationem meam, &c.

Ÿ. Dominus vobiscum, &c.

O R E M U S.

Exaudi nos Domine, sancte Pater omnipotens, eterne Deus, et mittere digneris sanctum Angelum tuum de cælis, qui custodiat, foveat, protegat, visitet atque defendat omnes habitantes in hoc habitaculo. Per Christum Dominum nostrum. Resp. Amen.

Deinde aspergat aquâ benedictâ.

Benedictio Domus novæ, vel loci.

Quando benedicitur domus, accendatur una candela benedicta,
& crux antecedar.

Ÿ. *Adjutorium nostrum, &c.*

Ÿ. *Dominus vobiscum, &c.*

O R E M U S.

OMnipotens sempiterne Deus, qui Sacerdotibus tuis præ
cæteris tantam gratiam contulisti : ut quidquid in tuo
nomine dignè, perfectèque ab his agitur, à te fieri credatur.
Quæsumus immensam clementiam tuam, ut quod modò visi-
taturi sumus, visites, quidquid benedicturi, be-
ne \times dicas et
ad ea, quæ acturi sumus, dextram tuæ potentia extendas, fiatque
ad nostræ humiliatis ingressum, et introitum, Sanctorum tuo-
rum meritis, fuga demonum, et Angelipacis ingressus, per
Christum Dominum nostrum. Resp. Amen.

O R E M U S.

DOMINE sancte Pater, per merita N. benedic
domum istam, bene \times dic introitum nostrum, be-
ne \times dic ingressus pedum nostrorum : sicut dignatus es do-
mum Patrum nostrorum Abraham, Isaac, et Jacob, bene \times
dicere. O! Domine JESU CHRISTE quæsumus,
qui Discipulis tuis dixisti, in quamcunque domum intraveri-
tis, salutate eam dicentes, pax huic domui : veniat pax illa
super domum istam, et super omnes famulos, et famulas tuas,
qui eam inhabitant nunc, et inhabitaturi sunt, et eos ab omni in-
firmitate eripere et liberare digneris, et replere centesimo fructu
vini, et olei, et frumenti, et in futurum illis æternam concede-
re gloriam. Qui vivis et regnas in sæcula sæculorum. Amen.
Bene-

Benedic Domine domum istam, et locum istum cum edificiis suis : et sit ibi sanitas, sanctitas, virtus, et gloria, atque humilitas, bonitas, et mansuetudo, lenitas, et plenitudo legis, obedientiaque Deo Patri, et Filio, et Spiritui sancto. Haec Bene dictio sit super domum vel super locum istum, et super omnes habitantes in eo, Per Christum Dominum nostrum.

Amen.

Sancti Angeli Dei descendant in hanc domum : et eam defendant, et protegant ab omnibus demonibus, et factoris, per pietatem Dei semper. Amen.

Conserua Domine Domum istam in aeternum impollutam, quam a spiritibus immundis flagellantibus, nunc mundo, purgo, et benedico et sanctifico, egrediatur fons de domo tua Domine super domum istam, ut irrigetur misericordia tua, et dic Angelo percutienti : cesset jam manus tua : appareat Maestas tua, et sanctifi et cet hoc habitaculum. Sancta Maria inuoco nomen tuum super hanc domum, et locum : benedic eum : quia tu es Mater misericordiae, et consolatrix afflictorum : S. Pater, N. exurge, et per Passionem Iesu Christi benedic, et sanctifica et hanc domum, et locum istum, ut demones et eorum maleficia non possint latere, neque stare in hac domo, vel loco, nam ego N. Sacerdos Dei, et Servus tuus, in tuo nomine destruo, et annihilat factoras, et omnia maleficia facta, vel fienda in hac domo, vel loco, et benedico et sanctifico et hanc domum, et locum : ut demones, et factorum eorum non possint stare, nec durare, sed nunc omnia destruantur, et

ficiant. In nomine Pa^tris et Fi^li, et Spiritus ^sancti,
Amen.

Peto Domine, per tuam bonitatem, ut domus, et locus iste, sit benedictus ^{et} à tua sancta dextera: ut sit ignis ardens demonibus, ut semper fugiant confusi; nec ullo modo possint stare, nec latere, vel die, vel nocte, et omnes habitantes securi sint, et quiescant in tua pace, sine turbatione, vel strepitu, et sine aliquo nocumento diabolico, et tua benedictio sit semper super domum, et locum istum, et super omnes habitantes in eo, per te Jesu Christe, Amen.

Pax, et bene^fictio sanctissimæ Trinitatis, et S. N. patrocinium descendat super domum hanc. Amen.

Et habitantes in hac domo per nomen Jesu possint devotè orare, quiete dormire, comedere, bibere, et alia naturalia agere licite, et exercere. Per Christum Dominum nostrum. Amen.
Aspergatur aquâ benedictâ, & thurificetur.

Benedictio Panis.

ÿ. *Adjutorium nostrum, &c.*

ÿ. *Dominus vobiscum, &c.*

O R E M U S.

Domine Jesu Christe panis Angelorum, panis vivus aeternæ vitæ, bene ^{et} dicere dignare panem istum, sicut benedixisti quinque panes in deserto, ut omnes ex eo gustantes, inde corporis et animæ percipiant sanitatem. Qui vivis et regnas in secula secula seculorum. Resp. Amen.

Aspergat aquâ benedicta.

Alia

Alia benedictio Panis.

Ÿ. *Adjutorium nostrum, &c.*

Ÿ. *Dominus vobiscum, &c.*

O R E M U S.

Domine sancte, Pater omnipotens, aeternae DEUS, bene + dicere digneris hunc panem tua sancta spiritali benedictione: ut sit omnibus sumentibus salus mentis et corporis, atque contra omnes morbos, et universas inimicorum insidias tutamen. Per Dominum nostrum Jesum Christum Filium tuum, panem vivum, qui de caelo descendit, et dat vitam, et salutem mundo; et tecum vivit et regnat in unitate Spiritus sancti Deus, per omnia secula seculorum. R. Amen.

Et aspergat aquâ benedictâ.

Benedictio ad quodcunque Comestibile.

Ÿ. *Adjutorium nostrum, &c.*

Ÿ. *Dominus vobiscum, &c.*

O R E M U S.

Bene + dic Domine creaturam istam N. ut sit remedium salutare generi humano: et presta per invocationem sancti nominis tui, ut quicumque ex ea sumpserint, corporis sanitatem, et animæ tutelam percipiant. Per Christum Dominum nostrum. Resp. Amen.

Aspergat id aquâ benedictâ.

Benedictio Armentorum, Equorū Boum Ovium, &c.

Ÿ. *Adjutorium nostrum, &c.*

Ÿ. *Dominus vobiscum.*

O R E M U S.

Deus

DEus Pater Domini nostri Jesu Christi, cuius verbo cœli firmati sunt, cui omnis creatura deseruit, omnis potestas subiecta est, cuius audito nomine serpentes conquiescunt, dracones fugiunt, vipera silent, scorpiones extinguuntur, reguli vincuntur, phalangia nihil noxium operantur, venenata non nocent, cunctaque noxia animalia licet ferocia terrentur: ad auxilium nostrum te imploramus. Tu ab hoc armento omnes diaboli fraudes repelle, ferarum incursum amove, venena rescinde, eumque ab omnibus infirmitatibus, et periculis libera. Dignare Domine per nomen sanctissimum dulcissimi Filii tui, per intercessionem B. V. Mariæ Matris eius; per merita S. Antonii, omniumque Electorum tuorum conservare hunc gregem, expurgare ab omni adversariorum nequitia stabulum, salvificare pabulum, fecunditatem ei tribuere, ei tua efficacissima benedictione replere omnia, quæ usui huius armenti adaptantur, et adaptanda erunt. Per eundem Dominum, etc.

Sequentia sancti Evangelij secundum Lucam.

R. Gloria tibi Domine.

IN illo tempore: Pastores loquebantur ad invicem, dicentes: Transeamus usque Bethlehem, & videamus hoc Verbum, quod factum est, quod Dominus ostendit nobis: & venerunt festinantes, & invenerunt Mariam, & Ioseph, & infantem positum in præsepio. Videntes autem cognoverunt de Verbo, quod dictum erat illis de puero; & omnes qui audierunt, mirati sunt; de his, quæ dicta erant à Pastoribus ad ipsos: Maria autem conservabat omnia verba hæc, conferens in corde suo. Et reversi sunt Pastores glorificantes & laudantes Deum in omnibus, quæ audierant, & viderant sicut est ad illos dictum.

R. Laus tibi Christe.

V. Dominus vobiscum.

R. Et cum spiritu tuo.

O R E

O R E M U S.

Domine Deus, Rex cœli et terræ, Verbum Patris, per quem omnia facta sustentationi nostræ tradita sunt. Qui ut redimeres nos peccatores à faucibus inferni, et à potestate diaboli, carnem nostram sumere decrevisti, et per Spiritum sanctum in utero B. V. Mariæ conceptus, in caula inter jumenta nasci non es dedignatus, et pannis involutus in præsepio reclinari voluisti: respice quæsumus humilitatem nostram, et sicut nostris laboribus, atque necessitatibus per jumenta subvenientum tribuisti, ita tua benignissima miseratione hæc armenta custodire et tueri non recuses, nobisque famulis tuis, cum temporali proventu tuam immarcessibilem gratiam conferre. Qui vivis et regnas, etc.

Aspergatur, &c.

Benedictio Scapularis B. V. MARIE.

Accensam candelam habeat.

Ps. Ostende nobis Domine misericordiam tuam.

R. Et salutare tuum da nobis.

Ps. Domine Deus virtutum converte nos.

R. Et ostende faciem tuam & salvi erimus.

Ps. Domine exaudi orationem meam, &c.

Ps. Dominus vobiscum, &c.

O R E M U S.

Suppliciter te Domine rogamus, ut super hunc habitum seruo tuo imponendum bene **✠** dictio tua benigna descendat, ut sit benedictus, atque divina virtute proculpellantur hostium nostrorum visibilibus, et invisibilium tela nequissima.

Amen.

M m

O R E-

O R E M U S.

Caput omnium fidelium Deus, et humani generis Salva-
tor, hunc habitum, quem propter tuum, tuæque Genitricis
Virginis Maria de monte Carmelo amorem, atque devotio-
nem, servus tuus est delaturus, dextera tuâ sancti ✠ fica, et
hoc quod per illum mysticè datur intelligi, tuâ semper custodiâ
corpore et animo servetur, et ad remunerationem perpetuam
cum Sanctis omnibus felicissimè perducatur. Qui vivis et
regnas in secula seculorum. Amen.

O R E M U S.

Creator, Conservator, et Salvator omnium, largitor hu-
manæ salutis Deus, et dator gratiæ spiritualis, bene ✠ di-
ctionem tuam super hunc habitum immitte; ut qui eum gesta-
verit, cœlesti virtute munitus, fidem integram, spem firmam,
et charitatem desideratam teneat, et à te nunquam separari
permittas. Qui vivis et regnas in secula seculorum, Amen.

Aspergatur, &c.

Benedictio Ensis.

Minister coram benedicturo enses, & enses accepturo, teneat
ensem, benedicens autem sedeat & dicat:

✠. Adjutorium nostrum, &c.

✠. Dominus vobiscum, &c.

O R E M U S.

Bene ✠ dicere digneris quæsumus Domine Ensem istum, et
hunc famulum tuum N. N. qui eum te inspirante suscipere
desiderat, pietatis tuæ custodiâ munias, et illæsum conserves.
Per Christum Dominum nostrum. Resp. Amen.

Deinde

Deinde aspergat ensem aquâ benedictâ & accipienti genuflexo tradat eum sequentia dicendo :

Accipe NN. ensem istum in nomine Pa + tris, & Fi + lij, & Spi + ritus sancti, & utaris eo ad defensionem tuam, ac S. Dei Ecclesia, & ad confusionem inimicorum Crucis Christi, ac fidei Christianæ; & quantum humana fragilitas permiserit, cum eo neminem injustè ledas. Quod ipse tibi prestare dignetur, qui cum Patre, & Spiritu sancto vivit & regnat in secula seculorum. R. Amen.

Benedictio Vexilli bellici.

V. Adjuvator nostrum, &c.

V. Dominus vobiscum.

O R E M U S.

OMnipotens sempiterne Deus, qui es cunctorum Benedictio, et triumphantium fortitudo : respice propitius ad preces humilitatis nostræ, et hoc Vexillum, quod bellico usui præparatum est, cœlesti benedictione sanctifica, ut contra adversarias et rebelles nationes sit validum, tuoque munimine circumseptum, sitque inimicis Christiani populi terribile, ac intercedentibus Sanctis tuis, solidamentum, et victoriae certa fiducia. Tu enim es Deus, qui conteris bella, et cœlestis præsidii sperantibus in te præstas auxilium. Per Christum, etc.

Aspergatur aquâ benedictâ, & cui traditur dicatur :

Accipe Vexillum cœlesti benedictione sanctificatum : sitq; inimicis populi Christiani terribile, & det tibi Dominus gratiam; ut ad ipsius nomen, & honorem cum illo hostium cuneos potenter penetres incolumis, & securus. In nomine Pa + tris, & Fi + lij, & Spi + ritus sancti, Amen.

Si quis aliarum rerum, præter supradictas Benedictiones desideret, consulat imprimis Pontificale Romanum, nostrum P. SANNIG, aliosque Auctores.